

*Animalium va-
rietas.*

*Imperium majo-
rum.*

Aquis dulcibus & amœnis pascuis abundat: Pecoribus, Armentisque frequens, Lactis copia, & bonitate nulli concedens. Aprorum item, Capreolorum, Leporum, Perdicum, Coturnicum, ac aliorum ejusmodi Animalium & Avium optima hic venatio. Lupi, Cervi, Leones, Vrsi, & Cameli innumeri inveniuntur. Terra autem *Chanaan* Regna Regesque habebat triginta & unum, præter Sydonios & Palæstinos maritimos, cum ab Israelitis occupata atque obtenta fuit, maxima antiquorum cultorum parte vel interfecta vel depulsa. Ipsi vero *Israelitæ* sub *Ducibus* fuerunt annis circiter quadringentis & quinquaginta usq; ad Samuelem Prophetam. Quorum non fuit successio ex certa stirpe, aut electio certi Senatus, sed velut *Aristocratia* Seniorum in singulis Tribubus. Post mutata fuit forma hæc gubernationis a Deo instituta in Regnum, populo id flagitante, ac multos annos duravit hæc Politia. Successu tamen temporis multas calamitates passi sunt *Israelitæ*, donec tandem omnino regno sunt exuti. Varias enim mutationes expertam hanc gentem, multisq; bellorum tempestatibus agitaram fuisse, vel gentis ingenio Imperium nec suum nec alienum ferente, vel peccatis eorum divinam iram provocantibus, vel exteris regionem felicissimam appetentibus, sacræ & prophanæ Historiæ nobis testantur. Victi aliquoties, aliquoties in duram servitutem exportati, nec secundis nec adversis rebus idonei fuere. Experti jugum modo vicinorum, modo remotissimorum populorum, *Aegyptiorum*, *Chaldaeorum*, *Medorum*, *Persarum*, *Macedonum*, *Romanorum*: nec destiterunt unquam seditiosis consilijs seque suamque Rempublicam omnem pessundare, donec ipsum *Filium Dei* humani generis Servatorem, nefarijs manibus (quo nullum scelus altius eniti potuit) cruci affixerunt. Ex eo sequutus longa serie novus malorum ordo. *Titus Vespasianus* *Judæa* devicta, *Hierosolymis* captis, multis *Judæorum* millibus in captivitatem abductis, pluribus occisis, fame, peste, igni, gladio, Templum & quicquid sacri & prophani erat, vastavit, diruitque, anno a Christo nato LXXI I I: quod ipse in terris agens futurum ante prædixerat. Urbem restituit *Ælius Adrianus*: mutata non nihil loci regione: Ac Templum vetus *Salomonis* dissipatum dirutumque jacuit usque ad annum CCCLXI I I, quo *Julianus Apostata* *Judæis* illius instaurandi copiam fecit: qui tamen miraculo territi a cœptis destiterunt. Anno 1009 *Chosroes Persarum Rex* urbem cepit, & in ea nonaginta millia hominum trucidavit: sed ab *Heraclio* superatus & captus pœnas dedit. Anno 1009 *Haumar Saracenorum Princeps* *Judæam* omnem sibi subjecit, mansitque totos quadringentos quinquaginta annos sub Saracenorum potestate. Anno autem 1099 cum Concilio Claremontano decreta esset sub Urbano I I, sacra profectio recuperandę Terrę Sanctę gratia, *Gotofredus Buhoneus* coactis Christianorum copijs amplissimis (dicuntur enim 300 fuisse peditum millia, 6 milia equitum) Saracenos expulit. Anno 1099 *Saladinus Persarum Rex* Saracenos restituit. Haud multo tamen post rursus invalere Christiani. Iterumq; Saraceni anno 1187, donec post varias mutationes Turcæ eam omnem occupaverunt anno 1187. Complectitur hæc *Judæam*, *Judeam*, *Samariam*, & *Galileam*. *Judæa* initium trahit a *Cassio Monte*, vel secundum alios a *Sirbonis lacu* & versus Ortum ducitur usq; ad *Judæam*